



Jostedalsbreen
nasjonalparkstyret

Møteprotokoll

Utval: Jostedalsbreen nasjonalparkstyret

Møtestad: Teams

Dato: 12.05.2026

Tidspunkt: 13:00 - 14:00

Følgjande faste medlemmer møtte:

Namn	Funksjon	Representerer
Oddmund Klakegg	Medlem	Sunnfjord kommune
Hege Lothe	Medlem	Vestland fylkeskommune
Mariel Eikeset Koren	Medlem	Gloppen kommune
Stig Ove Ølmheim	Medlem	Sogndal kommune
Andreas Wollnick Wiese	Leiar	Luster kommune
Stine Fjellkårstad	Nestleiar	Stryn kommune

Følgjande medlemmer hadde meldt forfall:

Namn	Funksjon	Representerer
------	----------	---------------

Følgjande varamedlemmer møtte:

Namn	Møtte for	Representerer
------	-----------	---------------

Merknader:

Andre frammøtte:

Namn

Tor Arne Hauge

Trygve Snøtun

Underskrift:

Vi stadfester med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Andreas Wollnick Wiese

Oddmund Klakegg

Saksliste

Utvalgs-saksnr	Innhold	Lukket	Arkiv-saksnr
ST 11/26	Godkjenning av innkalling og dagsorden		
ST 12/26	Val av styremedlem til å skrive under protokoll i lag med styreleiar		
ST 13/26	Jostedalsbreen nasjonalparkstyre - Høyring - Utredningsoppdrag om organisering av verneområdeforvaltarar		2024/18204
ST 14/26	Jostedalsbreen nasjonalparkstyre - Bødalen - 2026 - jordprøvetaking - NIBIO		2026/6075
ST 15/26	Jostedalsbreen nasjonalpark - Arealrepresentativ Naturovervåking (ANO) - Forlenging av periode for merking av analyseruter - NINA		2021/6243
ST 16/26	Jostedalsbreen nasjonalpark - Bøyabreen - Motorferdsel med helikopter - Falkeblikk AS		2026/7825
ST 17/26	Jostedalsbreen nasjonalparkstyre - orienteringssaker til styremøte 3/2026		2025/16018
ST 18/26	Eventuelt		

ST 11/26 Godkjenning av innkalling og dagsorden

Saksprotokoll i Jostedalsbreen nasjonalparkstyre - 12.05.2026

Handsaming i møte

Ingen merknader til innkalling og sakliste.

Vedtak

Ingen merknader til innkalling og sakliste.

Samrøystes vedteke.

ST 12/26 Val av styremedlem til å skrive under protokoll i lag med styreleiar

Saksprotokoll i Jostedalsbreen nasjonalparkstyre - 12.05.2026

Handsaming i møte

Oddmund Klakegg vart føreslege til å skrive under protokoll i lag med med styreleiar.

Vedtak

Oddmund Klakegg vart vald til å skrive under protokoll i lag med med styreleiar.

Samrøystes vedteke.

ST 13/26 Jostedalsbreen nasjonalparkstyre - Høyring - Utredningsoppdrag om organisering av verneområdeforvaltarar

Saksprotokoll i Jostedalsbreen nasjonalparkstyre - 12.05.2026

Handsaming i møte

Styret står bak innstilling frå forvaltarar, men vil understreke at det er viktig at statsforvaltar ikkje må få noko godkjennarrolle overfor nasjonalparkstyra.

Vedtak

Høyringsuttale frå Jostedalsbreen nasjonalparkstyre:

Jostedalsbreen nasjonalparkstyre er i utgangspunktet tilfreds med vidareføring av hovudtrekka i dagens organisering, der sekretariatet vårt vil halde fram med Statsforvaltaren i Vestland som arbeidsgjevar. Styret meiner at både alternativ 1 og alternativ 2 med tilrådde forbetringsspunkt vil fungere godt. Fordelen med å ha fagleg tilknytning til Statsforvaltaren er at ein med denne ordninga også vil få fagkunnskap om verneområdekommunane gjennom Statsforvaltaren, og ikkje berre gjennom vårt eige nettverk med administrativt kontaktutval. Alternativ 2 kan nok svekke tilknytninga til kommunane for dei sekretariata som blir flytta over til eit anna statsforvaltarembete enn det som geografisk er knytt til verneområda, og uttalane frå dei verneområdestyra der dette blir aktuelt bør derfor tilleggast vekt.

Tiltaka som er foreslått som forbetringsspunkt blir vurdert å bidra til måla om meir heilskapleg forvaltning.

Merknader til dei enkelte punkta:

- Finansiering / ressursar: Det er viktig at den desentraliserte modellen som er vald blir fullfinansiert og synleggjort ved øyremerking av midlar per forvaltarstilling i Statsbudsjettet (Prop. 1S). Styrking av statsforvaltarembeta for oppfølging av forvaltarane vil bidra til å sikre kontinuitet og god opplæring ved skifte i forvaltarstillingane. I enkelte saker treng forvaltarane juridisk bistand i saksbehandlinga, det er viktig at slik bistand blir styrka, enten via fagmiljøet hjå Statsforvaltar eller i Miljødirektoratet.

- Det er positivt å tydeleggjera rolla som fagleg rådgjevar i Hovedinstruks for statsforvalteren, men direkte rådgjeving til forvaltarane sine innstillingar til styret kan lett koma i konflikt med Statsforvaltaren si rolle som mogleg klageinstans på styret sine vedtak. For å ha klare linjer bør ikkje Statsforvaltar delta i forvaltarane sitt arbeid med innstillingar til vedtak, men kan gje

faglege råd dersom forvaltar sjølv tek initiativ og ber om det. Det er viktig å unngå at leiaren med fag- og personalansvar hos Statsforvaltaren får ei slags godkjennarrolle på forvaltar sine innstillingar. Sjølvstendige vurderingar i forvaltarane sitt arbeid med innstillingar til styret er viktig for å tydeleggjera rolla til styret som eige organ.

- Klarare skilje mellom Statsforvaltaren som arbeidsgjevar og styret i dokumentforvaltninga vil gje tydelegare kommunikasjon mot publikum og mot andre aktørar i forvaltninga. Det er viktig å få synleggjort at det er nasjonalparkstyret som er avsender når forvaltar sender ut forvaltingsvedtak og andre saker på vegne av styret. Spørsmålet om arkivopplegg må få ei funksjonell løysing som blir kvalitetssikra av dei administrative aktørane.
- Innføring av "Forvalterskolen" vil sikre betre og meir systematisk- opplæring, og faste møtepunkt ved forvaltarsamlingar vil bidra til fagleg utvikling og meir einskapleg forvaltning gjennom erfaringsutvekslingar.
- Forslaget om å gje arbeidsgjevar auka fleksibilitet i bruk av forvaltarressursar mellom styra vil vera positivt med tanke på best mogleg bruk av ressursane samla sett. Det bør framleis vera ei føring om at det skal vera dialog med både forvaltar og styreleiar i forkant av slik omdisponering av ressursar, sjølv om ein går bort frå kravet om godkjenning frå styreleiar. Dialog vil gje betre forankring og auka forståing når ressursane i sekretariatet blir omfordelt for kortare eller lengre periodar.
- Gjennomgang av forvaltningsknutepunkta for betre fungerande knutepunkt vil vera nyttig. Så langt det er mogleg må forvaltarane lokalisera saman med andre forvaltarar. Kontorfellesskap gjev betre rom for læring og avlasting, og gjev betre service til publikum når det er fleire med tilgang til same arkiv m.m. Samlokalisering med SNO og andre med oppgåver innan utmarksforvaltning bidrar også til styrking av fagmiljøa.
- Det kan vera nyttig å arbeide for meir formalisert samarbeid med besøkssentera, men dette må sjåast i samheng med utgreiinga av ny besøkssenterstrategi.
- Med auka vekt på verdiskaping og å ønske folk velkommen inn i nasjonalparkane er det nødvendig å ha eit godt system for å ivareta verneverdiane også med aukande besøkstrykk. Tilstrekkelege ressursar til informasjonsarbeid i sekretariata, og for oppsyn og rettleiing i felt er viktig i ei aktiv besøksforvaltning. Når ein inviterer fleire inn, må også mottaksapparatet styrkast.

ST 14/26 Jostedalsbreen nasjonalparkstyre - Bødalen - 2026 - jordprøvetaking - NIBIO

Saksprotokoll i Jostedalsbreen nasjonalparkstyre - 12.05.2026

Handsaming i møte

Samrøystes vedteke i tråd med med innstillinga.

Vedtak

Med heimel i naturmangfaldlova § 48 får NIBIO løyve til å ta ut jordprøvar ved Bødalssætra i Jostedalsbreen nasjonalpark i samband med nasjonalt prosjekt for overvaking av jordkarbon i skog og beitemark. Løyve gjeld fram til 01.oktober 2026.

Det er knytt følgjande vilkår til løyvet:

- 1.Løyvet gjeld berre personell som utfører feltarbeid for NIBIO
- 2.Det kan takast ut inntil 8 jordprøvar.
- 3.Prøvetaking må skje på ein mest mogleg skånsam måte.
- 4.Prøvelokaliteten skal dokumenterast med bilete som viser lokaliteten før og etter prøvetaking og GPS koordinatar. Denne informasjonen skal sendast til Jostedalsbreen nasjonalparkstyre - jostedalsbreen@statsforvalteren.no så snart feltarbeidet er gjennomført.

ST 15/26 Jostedalsbreen nasjonalpark - Arealrepresentativ Naturovervåking (ANO) - Forlenging av periode for merking av analyseruter - NINA

Saksprotokoll i Jostedalsbreen nasjonalparkstyre - 12.05.2026

Handsaming i møte

Gjennomgang av saka frå forvaltar.

Samrøystes vedteke i tråd med med innstillinga.

Vedtak

Jostedalsbreen nasjonalparkstyre gjev Norsk Institutt for Naturforskning (NINA) forlenga periode for fastmerking av ANO-lokalitet 883 Flatefjellet, som inngår i overvakingsprogrammet Arealrepresentativ Naturovervåking (ANO). Fristen, gitt i utvalssak 19/21, for fjerning av fastmerka på ANO-lokalitet 88 Flatefjellet innan 1. november 2026, vert oppheva. Løyve vert gjeve med heimel i verneforskrifta for Jostedalsbreen nasjonalpark og naturmangfaldlova §48 fyrste ledd og fyrste alternativ, og gjeld med følgjande vilkår:

- 1.Alle fastmerke som er sett ut i Jostedalsbreen nasjonalpark i samband med overvakingsprogrammet Arealrepresentativ Naturovervåking (ANO) skal fjernast så snart overvakingsprogrammet vert avslutta
- 2.Dersom det vert aktuelt å ta ut plantemateriale eller anna fysisk prøvemateriale frå nasjonalparken må dette søkjast om særskilt

3. Etter kvart besøk ved ein av prøvelokalitetane skal det sendast ein kortfatta rapport til Jostedalsbreen nasjonalparkstyre
4. All ferdsel i samband med registreringane skal skje varsamt og ta omsyn til vegetasjon, dyreliv og kulturminne

Vi gjer merksam på at dette løyvet berre gjeld i høve til naturmangfaldlova og verneforskrifta for Jostedalsbreen nasjonalpark. Søkjar er sjølv ansvarleg for å innhente eventuelle løyve etter anna lovverk frå kommune og grunneigarar.

ST 16/26 Jostedalsbreen nasjonalpark - Bøyabreen - Motorferdsel med helikopter - Falkeblikk AS

Saksprotokoll i Jostedalsbreen nasjonalparkstyre - 12.05.2026

Handsaming i møte

Gjennomgang av saka frå forvaltar.

Samrøystes vedteke i tråd med med innstillinga.

Vedtak

Jostedalsbreen nasjonalparkstyre gjev , med heimel i naturmangfaldlova § 48, 1.ledd Falkeblikk AS dispensasjon frå forbodet mot motorferdsel i Jostedalsbreen nasjonalpark i samband med produksjon av panoramafilm til bruk på Brævasshytta. Løyvet gjeld på følgjande vilkår:

1. Løyve til lågtflyging med helikopter gjeld for ein dag
2. Flyginga skal skje på ein dag i perioden 20.juni - 31.august 2026
3. Flyginga bør skje mest mogeleg konsentrert i tid og unngå helgedagar og store utfartsdagar grunna omsynet til friluftslivet
4. Løyvet gjeld inntil 5 turar frå Brævasshytta, opp Bøyabreen og opp på breplatået tur/retur
5. Helikopteret skal ikkje vere synleg på den ferdige filmen
6. Flyginga med helikopter skal avgrensast til det som er strengt naudsynt og ta omsyn til andre brukarar og naturmiljø
7. Statens naturoppsyn v/Anne Rudsengen (tlf. 959 63 888) eller underteikna skal ha melding seinast dagen før flyginga skal gjennomførast
8. Jostedalsbreen nasjonalparkstyre skal ha skriftleg tilbakemelding innan 15.september 2026 med rapport om gjennomført flyging

Løyvet gjeld berre i høve verneforskrifta til Jostedalsbreen nasjonalpark. I saker som gjeld motorferdsle må alltid naudsynte løyve frå grunneigarar og kommune innhentast før flyging kan skje.

ST 17/26 Jostedalsbreen nasjonalparkstyre - orienteringssaker til styremøte 3/2026

Saksprotokoll i Jostedalsbreen nasjonalparkstyre - 12.05.2026

Handsaming i møte

Nasjonalparkstyret ønskjer å invitere reiselivsaktørar i Briksdalen som har vore i kontakt med forvaltinga til møte på Åbrekke 8.juni.

Vedtak

Styret tek sakene til vitande.

ST 18/26 Eventuelt

Saksprotokoll i Jostedalsbreen nasjonalparkstyre - 12.05.2026

Handsaming i møte

Ingen saker.

Vedtak